

欽定大清會典事例

欽定大清會典事例卷四百七十二

禮部

喪禮

文宗顯皇帝大喪儀四

同治二年二月十八日。

暫安寢殿几筵前。遣官行清明禮。陳設羊酒。與元年清
明同。不讀文。不焚楮錠。承祭及執事各官均青
長袍褂。冠摘纓緯。行禮如儀。○三月二十三日。
穆宗毅皇帝萬壽聖節。令在

陵直班王大臣二員素服冠緞纓。分詣

暫安寢殿門外。各行三跪九叩禮。停止舉哀。○六月初

九日恭直

文宗顯皇帝聖誕。

穆宗毅皇帝御龍袍龍褂。挂朝珠。恭詣

奉先殿。

壽皇殿。各行三跪九拜禮。隨從人員均穿蟒袍補褂。挂

朝珠。

暫安寢殿。几筵前豫陳酒果。設鹵簿。派王素服戴雨纓冠。於殿門外行三跪九叩禮。在

陵之王公官員等俱隨行禮。停止舉哀。每日仍照常供

獻一次。十七日。

暫安寢殿几筵前。遣官行周月禮。在小暑至立秋期內。
停止安設

冠服。其楮錠存俟中元致祭時。一同焚化。以後每遇六月行周月禮

均仿此。○七月十二日。

孝貞顯皇后萬壽聖節。由在

陵直班王大臣二員分詣

暫安寢殿告祭。素服戴雨纓冠。於殿門外各行三跪九叩禮。在

陵之王公官員等俱隨行禮。停止舉哀。○十五日。

暫安寢殿几筵前。遣官行中元禮。承祭執事各官均青

長袍褂。冠摘纓緯。一應陳設供獻各儀。俱與歲暮同。其前月所存楮錠。一同焚化。○十七日。

暫安寢殿几筵前。遣官行二周年禮。承祭執事各官均長青袍褂。冠摘纓緯。一應禮節。俱與中元同。並派在京各該衙門文武各員三分之一之半。前往行禮。○八月初九日奏准。前經會奏本年十月十七日。

文宗顯皇帝大事二十七月服闋之辰。恭請於奉先殿行釋服禮。查禮部則例內開行釋服禮。

皇帝跪釋服。戴有纓冠。哀止。衆皆跪冠緞纓。各哀止。釋

服後所釋冠賞給釋服大臣。孝帶撕取一條。交與內管領送往楮堆焚化。其餘孝帶孝服賞給年老之內管領等語。又恭查乾隆四十四年四月十九日。

孝聖憲皇后服闋之期。

高宗純皇帝行釋服禮。本日奉

旨。朕昔遭

皇考大故。欲持服三年。

聖母諭云。縞素百日。已為得中。不宜太過。欽此。朕因遵慈訓而行。然於釋縞素後。仍存縞素之服。蓋因其時

山陵之禮未嚴等因。欽此。欽遵在案。惟

列聖梓宮未經永安

地宮以前已屆二十七月服闋之期。會典及禮部則例均無明文。謹案禮經喪服小記曰。及其葬也。反服其服。顧炎武日知錄引伸其義。有曰。其服猶必收藏。以俟送葬各等語。此韓愈所謂有故未葬。雖出三年。子之服不變。孝子所以著其情者。胥是道也。現屆服闋之辰。惟

梓宮尚未永安

地宮。既無成案可稽。公同敬謹籌商。擬請屆期

皇帝所釋縞素冠服。一併暫緩焚化分賞。即於釋服日。由內務府遣派妥員恭齋縞素送至

隆福寺暫安處交

陵寢內務府敬謹收存。以俟永安

地宮時應用。○九月初三日奏准。三周年後滿月致祭。每日供獻暫緩停止。所有四時大祭。忌辰朔望等祭。一應祭品禮儀。仍照現行之例遵行。敬俟永安

地宮後再照

陵寢例辦理。○十七日奏准。

文宗顯皇帝神牌尚未

升祔

太廟。本年十月十五日。

皇帝行釋服禮。所有

太廟祫祭。自應暫緩舉行。仍於前一日告祭

中殿

後殿。並遣官致祭

東陵

西陵。○十月初一日孟冬。

暫安寢殿几筵前遣官行禮。儀與元年同。○初十日。

慈禧皇太后萬壽聖節。

暫安寢殿門外遣官告祭行禮儀與元年同。十五日卯時釋服遣親王敬詣

暫安寢殿几筵前恭代行禮。並由京派出王公官員三分之一之半。前往隨同行禮。用楮錠五萬。楮錢四萬五千。色楮二萬張。羊九。酒十三瓶。連飯卓二十五張。讀文致祭。承祭王及執事各官均服青長袍褂冠摘纓。行禮如儀。禮畢各綴冠纓。並由在

陵直班王大臣一員於

孝德顯皇后几筵前行告祭禮。○十一月十二日。

暫安寢殿几筵前遣官行冬至禮儀與元年同。○十二月二十九日。

暫安寢殿几筵前遣官行歲暮禮儀與元年同。○三年二月二十八日。

暫安寢殿几筵前遣官行清明禮儀與二年同。○三月二十三日。

穆宗毅皇帝萬壽聖節。

暫安寢殿門外遣官告祭行禮儀與二年同。○六月初九日恭遇。

文宗顯皇帝聖誕。

穆宗毅皇帝親詣

奉先殿

壽皇殿行禮。

暫安寢殿門外。由在

陵直班王大臣恭詣行禮。儀與二年同。○十七日。

暫安寢殿几筵前。行周月禮。○七月十二日。

孝貞顯皇后萬壽聖節。

暫安寢殿門外。遣官告祭行禮。儀與二年同。○十五日。

暫安寢殿几筵前。遣官行中元禮。儀與二年同。○十七

日。

穆宗毅皇帝恭詣

奉先殿

文宗顯皇帝神牌前行三周年禮。

暫安寢殿几筵前遣親王前往承祭在京文武各員派
三分之一之半隨同行禮一應祭品禮儀俱與
二周年同。○十月初一日孟冬。

暫安寢殿几筵前遣官行禮儀與二年同。○初十日。
慈禧皇太后萬壽聖節。

暫安寢殿門外遣官告祭行禮儀與二年同。○十一月

二十三日。

暫安寢殿几筵前。遣官行冬至禮。儀與二年同。○十二
月二十八日。

暫安寢殿几筵前。遣官行歲暮禮。儀與二年同。○四年。
二月十六日

諭。

皇考文宗顯皇帝梓宮

皇妣孝德顯皇后梓宮永遠奉安

山陵日期。據欽天監奏。謹擇於本年九月二十二日。所
有應行典禮及一切事宜。著各該衙門屆期敬謹豫

備。○三月初十日。

暫安寢殿几筵前。遣官行清明禮。儀與三年同。○二十三日。

穆宗毅皇帝萬壽聖節。

暫安寢殿門外。遣官告祭行禮。儀與三年同。○二十四日。奏准。

文宗顯皇帝升祔

太廟神主及

文宗顯皇帝

孝德顯皇后供奉

陵寢饗殿

神牌。應請交工部。於

山陵配殿豫期恭製。並請於

奉先殿神庫內同時開工。另製

孝德顯皇后神牌。俟奉安禮成敬謹供奉

奉先殿。○閏五月十七日

暫安寢殿几筵前。遣官行周月禮儀。與二年六月同

○二十四日

諭著仍派恭親王奕訢恭理

文宗顯皇帝

孝德顯皇后喪儀。○二十九日

諭。本年九月二十二日

皇考文宗顯皇帝

皇妣孝德顯皇后梓宮永遠奉安。據欽天監奏謹擇於
九月二十日卯時。由隆福寺行宮奉移至

定陵隆恩殿等語。前已降旨。朕於九月十七日恭奉

慈安皇太后

慈禧皇太后啟鑿。敬於十九日駐蹕隆福寺行宮。恭詣
几筵前奠酒行禮。二十日恭奉

皇考文宗顯皇帝

皇妣孝德顯皇后梓宮至

定陵隆恩殿。二十一日。祇謁

昭西陵

孝陵

孝東陵

景陵

裕陵禮成後。敬詣

定陵隆恩殿

几筵前行遷奠禮。二十二日。奉安禮成。恭請

神牌還京。

升祔

太廟。朕於九月二十五日還宮。所有恭奉

梓宮由隆福寺行宮至

定陵永遠奉安。及

神牌還京。均著毋庸另備御道。至應行典禮並一切事宜。著各該衙門及直隸總督。敬謹豫備。○六月初八

日會奏。

文宗顯皇帝

孝德顯皇后梓宮奉安。應行禮節繁重。

皇帝現在沖齡。擬請遣王恭代。

皇帝仍前往各處恭行三跪九叩禮。本日奉

旨。仍著恭理王大臣會同禮部。將應行親詣行禮及遣
王恭代行禮之處。詳細分別酌擬具奏。欽此。遵

旨於二十日具奏。繕寫清單。恭呈

御覽。

詳見神輿

運京禮節

內。茲不

奉安時及

復載。

○初九日。

恭遇

文宗顯皇帝聖誕。

穆宗毅皇帝親詣

奉先殿

壽皇殿行禮。

暫安寢殿門外。由在

陵直班大臣恭詣行禮。儀與三年同。二十八日會奏。
查道光元年三月。

仁宗睿皇帝奉移

昌陵永安。禮部堂官面奉

諭旨。奉移日。

皇太后詣

梓宮旁祭酒三爵畢。率內庭主位等於

梓宮啟行前二刻。先詣宿次等因。欽此。又內務府大臣

禧恩面奉

諭旨。

梓宮每日到營後。

皇太后不拘日期恭詣

蘆殿奠酒等因欽此。各在案。本年九月。

文宗顯皇帝

孝德顯皇后永遠奉安

地宮。

皇帝奉

慈安皇太后

慈禧皇太后於九月十七日啟鑾。所有一切行禮事宜。

敬繕清單。恭呈

御覽。

詳見安時禮節中。

奉

○七月初六日奏准。

地宮內供奉

冊

寶位次請照

裕陵

昌陵供奉

冊

寶之例。南北陳列以北為上。

文宗顯皇帝

冊

寶供奉於北首第一位左右石几上。次奉

孝德顯皇后原上

冊

寶。再次奉

孝德顯皇后加上

尊諡

冊

寶均

冊左

寶右。○十五日。

暫安寢殿几筵前遣官行中元禮儀與三年同。○十六日奏准。

文宗顯皇帝

孝德顯皇后前行祇告禮遷奠禮並虞祭禮致祭。所有王公以下人員應派三分之一前往隨同行禮。○十七日

暫安寢殿几筵前遣官行忌辰禮前期奏准查則例及檔案所開。

列聖大事三周年後並無尚在

殯宮忌辰致祭成式。此次敬謹酌擬請照歲暮遣官詣

几筵前致祭成案。用楮錠五萬。楮錢五萬。色楮五萬。張連飯卓三十一張。羊九。酒十五瓶。讀文致祭。

法駕鹵簿全設。照例齊集。承祭執事各官。均青長袍褂。冠摘纓。行禮禮節。俱照歲暮致祭儀遵行。

○九月初七日。

定陵恭懸扁額。

暫安寢殿几筵前。遣官行告祭禮。設供案。各供果十二品。酒三爵。承祭王及執事各官。均青長袍褂。冠摘纓。先詣

文宗顯皇帝香案前。上香。行三跪九叩禮。讀祝畢。行三

叩禮。次詣

孝德顯皇后香案前。上香。讀祝。跪叩如前儀。送燎各退。
次日午刻。遣禮部堂官一員前往行禮。敬謹懸
挂。○初八日。奏請

欽派王公大臣恭送

神牌還京。奉

旨。派出十三員。○十七日。派滿漢大學士各一員。恭詣
文宗顯皇帝升祔
太廟神牌。並供奉

定陵饗殿

文宗顯皇帝

孝德顯皇后神牌前。朝服。上香。行三跪九叩禮。敬謹書寫。婦青。復行三跪九叩禮畢。

陵寢大臣行一跪三叩禮。恭請

神牌。暫安供於

定陵東配殿。復行一跪三叩禮。該處官員每日點香。鑿

守視。○是日

啟鑿。恭送

聖駕之王公百官。照奏准服色。常服。挂朝珠。

穆宗毅皇帝。途次御行衣。○十九日。

穆宗毅皇帝於途次未分中伙。更青長袍褂。冠綴纓。至隆福寺時冠摘纓。由大門外降輿。前引大臣恭導。由殿東旁進。先詣

文宗顯皇帝几筵前恭謁。行三跪九拜禮。轉立東旁。內務府官進奠几。

穆宗毅皇帝詣正中跪。祭酒三爵。每祭行一拜禮。仍立東旁西嚮舉哀。王以下大臣官員等在二門外。按翼嚮上排立。均隨行禮舉哀。次詣

孝德顯皇后几筵前恭謁。行禮如前儀。禮畢還宿次。同日。

孝貞顯皇后

慈禧皇太后恭詣

文宗顯皇帝暨

孝德顯皇后几筵前。次第舉哀奠酒。行禮畢。還宿次。

是日。以

文宗顯皇帝

孝德顯皇后梓宮永遠奉安

山陵日期。遣官告祭

天

地

太廟後殿

奉先殿

社稷。二十日恭移

文宗顯皇帝梓宮

孝德顯皇后梓宮於

定陵隆恩殿行奉移祇告禮。

几筵前各用楮錠三萬楮錢三萬色楮三萬張連飯卓
三十一張羊九酒十一瓶讀文致祭。

法駕鹵簿儀仗全設王公百官及

陵寢大臣官員拜唐阿等均服青長袍褂冠摘纓齊集

舉哀。行禮畢各退。

孝貞顯皇后

慈禧皇太后率

內庭宮眷豫詣殿西間恭俟。工部豫設大昇舉二分於

隆福寺大門外。恭理王大臣禮部工部內務府堂官鑿儀衛大臣帶領校尉等衣駕衣進小昇舉二分。敬謹豫備妥協退出。屆時。

孝貞顯皇后

慈禧皇太后詣

梓宮旁奠酒三爵。

內庭宮眷等皆隨叩拜如儀。

孝貞顯皇后

慈禧皇太后率

內庭宮眷等由間道先往

定陵隆恩門內

西配殿祇候。禮部堂官奏請

穆宗毅皇帝服青長袍褂冠摘纓緯先詣

文宗顯皇帝梓宮前舉哀。執事官進奠几。

穆宗毅皇帝跪祭酒三爵。每祭行一拜禮。興哀止。次詣

孝德顯皇后梓宮前奠拜如前儀。立於左。恭理王大臣等率執事官校尉恭奉。

文宗顯皇帝梓宮

孝德顯皇后梓宮依次啟行。

穆宗毅皇帝恭導。

梓宮出

隆福寺大門外。登大昇輦。

穆宗毅皇帝於東北隅西嚮跪。赴

陵之王以下大小文武官員服青長袍褂。冠摘纓。在後

隨跪。禮部堂官二人。分詣祭輦。各奠酒三爵。每

奠行一叩禮。各焚化楮錢五千張。

法駕鹵簿儀仗前導。

文宗顯皇帝尊諡

冊

寶黃輿在前。

孝德顯皇后原上

冊

寶暨加上

尊諡

冊

寶黃輿依次隨行。均在曲柄繖後行走。

隆福寺喇嘛兩旁排列行走。

陵寢內務府官揚撒堵錢。

陵寢大臣官員率領領催拜唐阿等在大門外迤南東邊齊集。跪送後豫往。

定陵跪接。大昇輦啟行。

穆宗毅皇帝輿稍後立。俟。

靈駕過。由間道先往。

定陵祇俟。

靈駕啟行時。帶豹尾槍大臣章京等隨在。

梓宮後稍間行走。王公百官在豹尾槍後依次行走。每班夫役八十名。頭班末班用校尉。餘選民夫。沿途分為二十班。每班多備夫四名。共計用民夫一千六百八十名。令

陵寢大臣派官十數員輪流押槓照料。仍將職名移送工部查覈。所用夫役行文直隸總督。於遵化薊州附近州縣揀選年力精壯者。將衣帽鞋襪豫備整齊。駕衣翎帽照例備辦。輪流穿換。揀選道府等官管轄照看。該管官同道府等官豫至附近寬闊處所演習。豫備應用。夫役所需食物住

宿處所。令本管官妥為照料。自演習以及送至

定陵。每名每日各給制錢六十文。由戶工二部庫存錢

文內按例給發。仍免夫差一年。每分再派校尉

十六名。均衣駕衣。每班各派四名。在大轎兩旁

行走。遇夫役內有力不勝者。即行更換。其餘在

法駕鹵簿儀仗前兩旁行走。豫備更替。仍由直隸

總督。於每班派委佐雜千總把總二員。按班管

轄照料。如有人數不足。及班次短少。暗中頂替

等情。一經查出。即將該委員叅奏。每班仍派鑾

儀衛官二員。指示更換進退。至所派鑾儀衛官

員校尉並豫備更換夫役領取應用馬匹俱交與鑾儀衛照料辦理。每分豫備搭綵頭目四名。各分兩班輪擊響尺行走。近前行走之王公官員等在大昇舉兩旁騎馬隨行。遇換班時俱跪。恭理王大臣內務府禮工二部鑾儀衛大臣亦在大昇舉兩旁行走。每換班時妥為照看。

陵寢內務府官員沿途揚撒楮錢。所過門橋內大臣奠酒。距

陵寢不遠。王公百官豫由別路前往伺候齊集。紅門不能容八十人大楨。將紅門牆垣酌量拆卸。安設

柵欄候進照舊修砌。

梓宮至

定陵門外升小舉時。

穆宗毅皇帝於西北隅東嚮跪迎恭導由中門進。

穆宗毅皇帝舉哀衆隨舉哀奉安

文宗顯皇帝梓宮於

隆恩殿正中奉安

孝德顯皇后梓宮於

隆恩殿東次間哀止。

穆宗毅皇帝詣幄次稍俟徹小舉安設座罩八字牆幃

慢香几把蓮五供等項。陳卓案奉

冊

寶於兩旁案上。一切奉安畢。供果卓進奠几。

穆宗毅皇帝詣

梓宮前舉哀。各奠酒三爵。每奠行一拜禮。衆隨行禮舉

哀畢。各退。

穆宗毅皇帝由左門出。乘輿還宿次。

孝貞顯皇后

慈禧皇太后率

內庭宮眷等進

饗殿右門詣

梓宮前奠拜畢。均回宿次。是日遣官告祭各

陵並

后土

山神。○二十一日。

孝貞顯皇后

慈禧皇太后恭謁各

陵。

穆宗毅皇帝恭謁各

陵禮畢。御青長袍褂。冠摘纓。行遷奠禮。工部豫設

蘆殿於方城外。設龍輜二於

蘆殿內。正中暨東次間。方城接造平臺。支搭戲橋。

陵寢亦搭戲橋入。

地宮隧道。自方城至

寶牀前。俱合龍輜輪轂。鋪墊木板。成造木軌。

寶牀前亦造木牀。高同龍輜。以備應用。是日讀文致祭。
法駕鹵簿儀仗全設。

文宗顯皇帝

孝德顯皇后几筵前。各用楮錠三萬。楮錢三萬。色楮三

萬張。連飯卓二十五張。羊七。酒十五瓶。衆皆齊

集屆時。

穆宗毅皇帝由

隆恩殿左門入先詣

文宗顯皇帝梓宮前東立西嚮舉哀衆咸舉哀尚茶跪
進茶衆皆跪。

穆宗毅皇帝舉茶奠於案行一拜禮衆隨行禮尚茶徹
茶次尚膳進膳。

穆宗毅皇帝親上食畢執事官進奠几讀祝官恭捧祭
文於祝案左旁跪禮部堂官二員左右跪恭展
祭文。

穆宗毅皇帝於奠几前跪。衆皆跪。哀暫止。讀祝文畢。復舉哀。奉爵大臣跪進爵。

穆宗毅皇帝祭酒三爵。每祭行一拜禮。興。衆隨叩興。穆宗毅皇帝復位立。乃徹饌。次詣

孝德顯皇后梓宮前。舉哀行禮如前儀。禮畢。讀祝官捧祭文。禮部堂官前引。內監恭奉

冠服篚。宮殿監侍二人前引。由中門出。

穆宗毅皇帝豫出

隆恩殿左門。

冠服至跪。候過興。還幄次。

冠服至月臺下。內大臣十員前引。齊集之王公大臣官員等按翼跪。候過興隨行。於楮堆兩旁稍遠排立。俟。

冠服祭文恭安畢。派出之奠酒員勒詣楮堆前。各祭酒三爵。每祭行一叩禮。眾隨行禮舉哀畢。其楮錠暫停焚化。齊集各官仍於原處排立。在

陵居住之夫人命婦。豫至方城西旁立。俟執事王大臣帶領執事人進。徹几案五供等項。先奉

文宗顯皇帝梓宮。次奉

孝德顯皇后梓宮。升小舉畢。禮部堂官奏請

穆宗毅皇帝詣

梓宮前舉哀。各祭酒三爵。每祭行一拜禮興。衆咸舉哀。隨叩興。執事人等恭奉。

梓宮依次由中階下。循殿東行。

穆宗毅皇帝於左旁

親引上平臺。至

蘆殿內。

穆宗毅皇帝詣東稍間少俟。奉安。

文宗顯皇帝梓宮於殿內正中奉安。

孝德顯皇后梓宮於殿內東次間北嚮龍輦上。均徹小。

舉解去應釋等項。其龍套鳳罩均俟奉安。

地宮時啟去。北嚮各設

几筵。禮部內務府堂官恭奉

冊

寶分陳於左右案上。

陵寢官各供果卓一張。

穆宗毅皇帝詣

梓宮前。南嚮。各祭酒三爵。每祭行一拜禮興。衆隨叩興。
穆宗毅皇帝由左門出。乘輿還宿次。

孝貞顯皇后

慈禧皇太后率

內庭宮眷等奠拜畢。俱還宿次。鑾儀衛大臣率執事人等恭請

文宗顯皇帝

孝德顯皇后鹵簿儀仗。至楮堆處一同變化。其奉入地宮時啟去之。

梓宮龍套鳳罩及違奠禮後應焚各件。交與

陵寢大臣敬謹收存。遇祭變化。○二十二日辰時。

文宗顯皇帝梓宮

孝德顯皇后梓宮永遠奉安

地宮。王公大臣官員等俱齊集。在

陵居住之夫人命婦等在方城西旁齊集。派出之王等

恭奉

文宗顯皇帝

冊

寶。

孝德顯皇后原上

冊

寶。暨加上

尊謚

冊

寶。豫安於

地宮內左右石几上。

梓宮前各供果卓。

孝貞顯皇后

慈禧皇太后率

內庭宮眷等豫詣

梓宮前奠拜畢。至西稍閒祇候。禮部堂官奏請

穆宗毅皇帝服編素。入

隆恩門東門。由

隆恩殿東旁進詣

蘆殿

文宗顯皇帝梓宮

孝德顯皇后梓宮前舉哀。南嚮各祭酒三爵。每祭行一

拜禮興。衆皆舉哀隨叩興。先奉

文宗顯皇帝龍輅入

地宮。次奉

孝德顯皇后龍輅入

地宮。

穆宗毅皇帝躬引

梓宮。龍輜循軌行。太監執鐙前導。派出之王大臣隨入。
敬視永安

文宗顯皇帝梓宮

孝德顯皇后梓宮於

寶牀上。執事以龍輜木軌出。衆皆退。掩閉石門。

孝貞顯皇后

慈禧皇太后敬視永安畢。於祭臺前奠酒行禮。禮成還
幄次。

穆宗毅皇帝詣祭臺前舉哀。祭酒三爵。每祭行一拜禮。
興。衆皆舉哀。隨叩興。哀止。

穆宗毅皇帝釋縞素。戴有纓冠。還幄次。所釋縞素。除孝帶。撕取一條。交。

陵寢大臣同罩套。遇祭焚化外。餘由內務府照例分賞。
俟

隆恩殿陳設俎豆牲牢。行恭題。

文宗顯皇帝神主禮。並恭請。

孝德顯皇后神牌。行虞祭禮。○是日。鑾儀衛官豫備黃輿於

饗殿前丹陛之上。工部內務府官於

饗殿內正中安設。

寶座二。前設供案。又前設香案。俱南嚮。設題。

神主案於東旁西嚮。再設一案於東旁稍次。豫備安放
尊爵帛匣。設安奉。

神主積案於

寶座東旁南嚮。啟積大臣豫從。

東配殿恭請

文宗顯皇帝神主。連積安奉於

寶座東旁南嚮案上。設祝文案於西旁。太常寺讀祝官。

豫設祝文於祝文案上。屆時承祭王並題。

主大學士暨執事陪祀各官咸朝服。贊引對引各官引。

承祭王由

隆恩門西門入。至正面西階。詣殿檐下中閒嚮上立。
鴻臚寺官引王公百官各按翼排立。奉積大臣
進。啟積。奉。

神主恭安於東案西嚮。倚供於黃褥枕上。退立。滿漢大
學士二員詣案前東嚮。行一跪三叩禮。興。就題
主位東嚮立。恭題。

神字空處題畢。奉。

神主於案上。行一跪三叩禮。退立。贊引官引承祭王由
饗殿西門入。詣。

主案前恭奉

神主跪安於第一位

寶座上。行一跪三叩禮興。贊引官引承祭王。仍由饗殿西門出。至檐下西旁立。守護

陵寢貝勒貝子公一員恭詣

東配殿具朝服行禮恭請

孝德顯皇后

山陵供奉

神牌安奉於第二位

寶座上。行一跪三叩禮興。太常寺官設拜褥。禮部堂官

奏請

穆宗毅皇帝具禮服詣

神案前行三跪九拜禮興還幄次承祭王行虞祭禮上香讀祝三獻如大饗儀禮畢太常寺堂官嚮上跪奏請

文宗顯皇帝神牌升輿詣

太廟祔饗奏畢行一跪三叩禮退鴻臚寺引王以下至丹陛下於各官之前按翼排立贊引對引各官引承祭王詣

文宗顯皇帝寶座前守護

陵寢貝勒貝子公一員詣

孝德顯皇后寶座前。各行一跪三叩禮。承祭王恭奉

文宗顯皇帝神牌興守護

陵寢貝勒貝子公一員同時恭奉

孝德顯皇后神牌興。退俟。即日行奉入

饗殿禮。承祭王安奉

文宗顯皇帝還京

神牌於黃輿內。行一跪三叩禮興。太常寺官設拜褥。禮

部堂官奏請

穆宗毅皇帝詣

黃輿前行一跪三拜禮輿避立東次校尉舁輿前列

御仗二對黃蓋一柄禮部堂官二員同前引十大
臣大學士二員並引導侍衛二十員前引侍衛
內大臣帶領侍衛班領執豹尾槍侍衛在

黃輿後隨行侍衛什長二員帶領侍衛十員在豹尾槍
兩翼行走。

神牌黃輿過時。

穆宗毅皇帝率王以下官員俱跪候過輿隨行至

隆恩門。

神牌黃輿由中門出大學士止立左右。

穆宗毅皇帝由左門出。步送至碑亭。跪候過興。乘輿詣更衣幄次。換尋常袍天青褂。挂朝珠。詣宿次。所有前引後扈。以及執事各官。均換藍袍天青褂。挂朝珠。至原下馬處乘馬。依次行走。○是日。以山陵禮成。遣官告祭。

昭西陵

孝陵

孝東陵

景陵

裕陵。並

后土

山神。○是日還京

神牌黃輿至王子山。遣王恭代行夕祭禮。執事官設供案香案。列酒果畢。贊引官引恭代王詣

黃幄前。就拜位行三跪九叩禮畢。退。行禮時不贊。各官不隨行禮。○二十三日。以

升祔前期齋戒。途次均帶齋戒牌。是日早。執事官於神位前供酒畢。贊引官引恭代王詣

黃幄前。上香。行一跪三叩禮畢。贊引官引恭代王立西次。執事官徹香案供案。鑿儀衛官恭領校尉昇

輿前列

御仗黃蓋前引後扈如儀。

神牌黃輿出。恭代王於西側跪。王公百官於網城外各按翼跪均候。

神輿過隨行。其百里以內文武官員俱朝服於百步外跪迎道右。晚至宿次行謁見禮。

神牌黃輿至

黃幄內。執事官陳列酒果畢。太常寺官設拜褥於幄內正中。禮部太常寺堂官奏請

穆宗毅皇帝詣

神位前行夕祭禮。恭引

穆宗毅皇帝入

黃幄。三上香。行三跪九叩禮畢。

穆宗毅皇帝出

黃幄。至升輿處升輿。此行禮時不贊。王以下大臣官員不隨行禮。○二十四日。朝祭。恭代王上香行禮。

夕祭。

穆宗毅皇帝親詣上香行禮。俱如前儀。○二十五日。

穆宗毅皇帝先還宮。迎

駕之王公百官。照奏准服色。均蟒袍補服。挂朝珠。是日

朝夕祭。均恭代王上香行禮。二十六日。朝祭。恭代王上香。行一跪三叩禮。祭畢。校尉昇輿行。恭代王於西側跪候。

神輿過輿隨行。是日。

文宗顯皇帝神牌黃輿。由朝陽門入。

大清門。隨從王公大臣官員。俱朝服隨行。在京滿漢文武大臣官員朝服於。

大清門外祇候。恭俟。

神牌黃輿至跪候。過隨行。侍衛執提鑪一對前導。豫設穆宗毅皇帝更衣幄次於。

太廟街門外。

鹵簿全設於

午門外。樂設而不作。太常寺堂官奏請

穆宗毅皇帝御禮服。乘輿出宮。至

太廟街門外降輿。入更衣幄次。少候。俟

文宗顯皇帝神牌黃輿至

天安門時。太常寺堂官奏請

穆宗毅皇帝出幄次。率諸王。貝勒。貝子。公。內大臣。侍衛

等朝服恭迎。至

太廟街門南門外。

穆宗毅皇帝跪。王公大臣等俱跪。恭候。

文宗顯皇帝神牌黃輿過。

穆宗毅皇帝輿。王公大臣等皆輿。

穆宗毅皇帝退詣更衣幄次。敬俟。

神牌黃輿入。

太廟街門中門。恭代王隨入。陪祀王以下各官按翼分。

班俱隨入。派出恭奉。

孝德顯皇后神牌之王。於。

太廟潔室。

孝德顯皇后神牌前。行一跪三叩禮。輿恭奉。

神牌跪安於

黃輿內。行三叩禮興。校尉舁輿行。前列

御仗二對。張黃蓋一柄。執提鑪侍衛一對。候

文宗顯皇帝前列

御仗過。以次前導。

文宗顯皇帝神牌黃輿過。

孝德顯皇后神牌黃輿隨行。至甑城門東門外。

黃輿以次止。乃行

升祔禮。

詳見升祔儀。